

Powšitkowne WOZJEWJENJA

njedźelu, 16. septembra 2012

Patronatne kemše w Chróscicach

Wobydlerjo a přistajeni Domu swjateje Ludmile w Chróscicach woswjeća pónđzelu, 17. septembra, dzeń po swjedženju swjateje Ludmile, swój patronatny dzeń. Wutrobnje přeprašamy na swjatočnu Božu mšu w 10 hodź. do wosadneje cyrkwyje.

W. Brėzan

Zetkanje putnikow do Krupki

Wšitcy, kotřiž su lėtsa do Krupki putnikowali, su přeprašeni na zhromadny wječor. Zetkanje wotměje so pjatk, 21. septembra, po wječornych kemšach w Chróscicach na farje. Boža mša je w 19 hodź.

Serbskorėčne eksercije w Drježdžanskim domje Wysoke duby

Maće hišće jedyn dzeń dowola? Mam namjet, kak móžeće jón wužić za wočerstwjenje a připódlu so nasrėbać duchownych mocow. w Drježdžanskim domje Wysoke duby wotměja so wot štwórtka, 11. oktobra, wječora hač do njedzele, 14. oktobra, připołdnja eksercije za serbskich wėriwych. Jezuitski pater Petrus Kōst kurs přewjedze. Modlitwy a kėrluše su serbske, přednoški němske. Nimo toho su tam přijomne stwy, dobra kuchnja a krasna wokolina za wuchodžowanje. Zajimcy njech so telefonisce přizjewja pod čisłom (03 59 35) 2 04 25.

T. Kubašec

Kubłanski dzeń za 1. a 2. lėtnik

Šulerki a šulerjo 1. a 2. lėtnika su sobotu, 22. septembra, wot 9 do 15 hodź. na zhromadny dzeń do Don Boskoweho domu we Worklecach přeprašeni. Zajimcy njech so prošu hač do wutory, 18. septembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zbėra so wot kóždeho wobdžėlnika přinošk, kotryž wučinja tři eura.

Kubłanski dzeń za 3. a 4. lėtnik

Sobotu, 6. oktobra, wot 9 do 15 hodź. su džėci 3. a 4. lėtnika na zhromadny dzeń do Don Boskoweho domu we Worklecach přeprašene. Zajimcy njech so prošu hač do pjatka, 28. septembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zbėra so wot kóždeho wobdžėlnika přinošk, kotryž wučinja tři eura.

Jėzba do Rudnych hór za 5. a 6. lėtnik

Na jėzbu do Rudnych hór přeprašuje Dekanatne dušepastyrstwo džėci 5. a 6. lėtnika wot pónđzele do štwórtka, 22. do 25. oktobra. Za jėzbu zbėra so wot kóždeho wobdžėlnika přinošk we wysokosci 60 eurow. Zajimcy njech so prošu hač do pjatka, 5. oktobra, pod telefonowym čisłom (03 57 96) 8 87 07 přizjewja.

Nyšpor z požohnowanjom konjacych zapřahow

Towarstwo Cyrila a Metoda z.t., sekcija wėda a skutk, přeprašuje tež lėtsa wėriwych ze wšitkich serbskich wosadow na wosebity nyšpor domchowanki. Tutón budže njedźelu, 30. septembra, w 14 hodź. w Chróscicach na łuce při Hatkach (za starownju). Na nyšporje požohnuja so konjace zapřahi. Po nyšporje přewjeddu so čaporowe wiki. Wunošk wužije so za rjedjenje pišcelow Chróscanskeje cyrkwyje.

Wulět njebudže

Wulět dekanatneje serbskeje młodžiny, kotryž bě za njedźelu, 30. septembra, planowany, dyrby z tutym bohužel wotprajić. Nimamy tuchwilu referenta respektiwne referentku w młodžinskim dušepastyrstwe. Tohodla ani běrow dekanatneje młodžiny wobsadźeny njeje. Tež trěbne planowanja, zřěčenja a wotličenja njehodža so tuchwilu zwoprawdźić. Prašenja nastupajo nadregionalne młodžinske dźěło prošu direktnje wosadnym duchownym abo biskopskemu dušepastyrstwu młodžiny w Drježdžanach dowěrić.

Farar Měrcin Deleńk

Wustajeńca wo Žitawskich póstnych rubach w Hejnicach

Přichodna stacija pućowanskeje wustajeńcy po Europje k Žitawskim póstnym rubam je w českich Hejnicach. Hač do njedźele, 4. nowembra, móža sej zajimcy pokazku pod temu „Zetkanja, kotrež hnuja“ w Mjezynarodnym centrumje za duchowne wobnowjenje wobhladać. Na 14 taflach su atraktywne fota a teksty wo Žitawskich póstnych rubach a kulturnej čarje VIA SACRA widžeć. Kopija małego póstneho ruba pokaza so w tym času w putniskej cyrkwi Marije wopytanja hnydom pódl kubłanskeho centruma.

Počesća basnika a přećela Serbow Josefa Sucheho

Zběrka basnjow wuznamneho Brnjanskeho basnika a wulkeho přećela Serbow Josefa Sucheho (1923-2003) wuńdže w tutych dnjach w českaj a zdobom serbskej rěči. Wudawaćeljo zběrki pod titlom „Tvář času / Wobličo časa“ su město Varnsdorf, tamniša Měšćanska knihownja a Zwjazk serbskich wumělcow.

Josef Suchý je wjele basnjow pisał, kotrež su w Serbach zakótwjene (mjez druhim w Radworju a Wotrowje). Jeho basnje su mnozy serbscy basnicy wustojnje zeserbšćili.

Suchý bě wobdźěleny na wudawanju poezije Jakuba Barta-Čišinskeho a Józefa Nowaka w Serbach a Českaj kaž tež na šěrjenju noweje serbskeje literatury pola našich susodow.

Premjera předstajenja zběrki Sucheho budže pjatk, 21. septembra, w Radworskim „Swětliku“ – a to po kemšach w 19.30 hodź. Na literarno-bjesadny wječork přeprošuja Zwjazk serbskich wumělcow zhromadnje z Měšćanskej kniharnju we Varnsdorfje a Radworskej wosadu z kanonikom Šćěpanom Delanom. Bjesadu, na kotrejž so tež džowka Josefa Sucheho wobdźěli, wobrubu česka spěwarka a hrajerka na harmonice Jana Věbrová.

Premjera hry „Poslednja šansa“

Nowa serbskorěčna inscenacija Němsko-serbskeho ludoweho dźiwadła „Poslednja šansa“ změje sobotu, 22. septembra, w 19.30 hodź. swoju premjeru w Radworskim hosćencu „Meja“. Dalše předstajenje budže njedźelu, 23. septembra, w 17 hodź. w šulskej awli w Pančicach-Kukowje.

Premjera hry „Hdyž rentnarjo zapřimnu“

Chróšćanska serbska lajska dźiwadłowa skupina přeprošuje na předstajenje kriminalneje komedije „Hdyž rentnarjo zapřimnu“. Premjera budže pjatk, 28. septembra, w 20 hodź. pola Krawčikec w Chróšćicach. Hra so sobotu, 29. septembra, w 19.00 hodź. na samsnym městnje wospjet předstaji.